

# Акафист святым Царственным Страстотерпцам

Одобен Священным Синодом 10 октября 2009 года журнал №95

<https://www.molitvoslov.com/text994.htm>



[http://ekaterinburg-eparhia.ru/userfiles/\\_20041/p1ann3mdkv1a3bdjb12sv3mr6bc3.jpg](http://ekaterinburg-eparhia.ru/userfiles/_20041/p1ann3mdkv1a3bdjb12sv3mr6bc3.jpg)

АКАФИСТ МУЧЕНИКУ ЦАРЮ-СТРАСТОТЕРПЦУ НИКОЛАЮ II (видео)

[https://youtu.be/n0\\_-a9hvVus](https://youtu.be/n0_-a9hvVus)

[https://www.youtube.com/watch?v=n0\\_-a9hvVus](https://www.youtube.com/watch?v=n0_-a9hvVus)

[https://youtu.be/n0\\_-a9hvVus?list=PLHvM0\\_wMztNAUOznX3BVTUugkAtCM2ZP7](https://youtu.be/n0_-a9hvVus?list=PLHvM0_wMztNAUOznX3BVTUugkAtCM2ZP7)

Акафист и молитва Царственным Страстотерпцам (видео)

<https://youtu.be/cJs8bAIY59Y?list=RDcJs8bAIY59Y>

<https://youtu.be/cJs8bAIY59Y>

Сегодня, в день 102-ой годовщины прибытия государя и членов его семьи в Екатеринбург, постараемся в своём молитвенном делании уделить особое внимание чтению Акафиста святым Царственным страстотерпцам. Об этом песнопении [рассказал](#) старший помощник проректора по воспитательной работе, преподаватель кафедры церковно-практических дисциплин Екатеринбургской духовной семинарии иеромонах Клавдиан (Меньшиков) в рамках духовно-просветительского проекта «Читаем акафист», призванного раскрыть красоту акафистного пения и познакомить с наиболее чтимыми акафистами.

*- Ни один святой не вызвал такой активизации богослужебного почитания, как семья последнего российского императора, - рассказал иеромонах Клавдиан (Меньшиков). - Так, по подсчетам исследователей, в 2010 году было известно в общей сложности пять акафистов в честь всех семи святых Царственных страстотерпцев, девять акафистов (один из которых печатается в двух существенно различных редакциях) святому царю Николаю II, по два акафиста святой царице Александре, святой Ольге и святой Татиане и по одному акафисту святому Алексию, Марии и Анастасии — всего 23 акафиста! Однако, следует отметить, что к общецерковному использованию Священным Синодом одобрен только один из вышеперечисленных акафистов (рефрен: «Радуйтесь, царственнии страстотерпцы, земли Российския хранитилие и молитвенницы»).*

Как известно, святой император Николай II был канонизирован сначала в 1981 году в Русской Православной Церкви Заграницей, а затем в 2000 году на Юбилейном Архиерейском Соборе в Москве. Примерно через год после канонизации святых царственным страстотерпцев был утвержден текст службы им, а в 2009 году - текст акафиста, который по мнению Т.И.Кошелевой «представляет собой современное гимнографическое произведение, стройное в композиционном отношении, с хорошим слогом, написанное грамотным церковнославянским языком».

Данный акафист раскрывает перед нами последовательность исторических событий: от избрания первого царя из династии Романовых на престол до прославления мученического подвига семьи последнего царя, при этом хронологическая точность в изложении периодически уступает место требованиям гимнографии. Особое внимание уделяется отношению святого императора к Церкви и благочестию, что является для нас глубоко назидательным.

*Ссылка на акафист святым Царственным страстотерпцам: <https://azbyka.ru/days/caa/539>*

## **Акафист святым царственным страстотерпцам**

*Текст утвержден Священным Синодом*

*Русской Православной Церкви*

*10 октября 2009 года (журнал № 95)*



### **Конда́к 1**

Избра́ннии ца́рственнии страстоте́рпцы ,/ еди́на дома́шняя це́рковь Христо́ва,/ Нико́лае, Алекса́ндро, Алексе́е,/ О́льго, Тати́ано, Мари́е и Анастаси́е,/ вы, сою́зом любви́ связа́еми,/ я́ко а́гнцы, Христу́ Бо́гу ве́рою последовали есте́ / и, в страда́ниих смерть претерпе́вше ,/ Ца́рствия Небе́снаго насле́дницы яви́лися есте́ ./ Ны́не же, дерзнове́ние ко Госпо́ду иму́ще,/ моли́теся о земне́м оте́честве ва́шем, да прославля́ем вас си́це:

Ра́дуйтеся, ца́рственнии страстоте́рпцы,/ земли́ Росси́йския храните́лие и моли́твенницы.

### **И́кос 1**

А́нгельскими си́лами укрепля́еми во и́стиннем пути́ , седмочи́сленнии страстоте́рпцы, о житии́ пра́веднем и богоуго́днем ревновали есте́ , да

явите наро́ду ру́сс кому́ о́браз благочесті́вых царей́ . Сего́ ра́ди прославля́ем вас си́це:

Ра́дуйтеся, страх Бо́жий в се́рдце, я́ко основа́ние, положи́вшии;

ра́дуйтеся, премудро́сть Бо́жию и́стинне возлюбі́вшии .

Ра́дуйтеся, все упова́ние на Бо́га возложі́вшии;

ра́дуйтеся, оте́честву ва́шему ве́рно послужи́вшии .

Ра́дуйтеся, христиа́нского благочесті́я тве́рдое пра́вило;

ра́дуйтеся, ца́рственного ро́да Росси́йского похва́ло .

Ра́дуйтеся, Правосла́вныя ве́ры кре́пкое испове́дание;

ра́дуйтеся, стра́ждущаго наро́да на́шего утеше́ние .

Ра́дуйтеся, ца́рственнии страстоте́рпцы , земли́ Росси́йския храні́телие и моли́твенницы .

## **Конда́к 2**

Ви́дя Госпо́дь пока́яние наро́да на́шего , егда́ сму́тная времена́ наста́ша , умилосе́рдися и яви́ ми́лость Свою́ во избра́нии Миха́ила царя́ , его́же ико́ною Пречи́стыя Богоро́дицы , Феодо́ровская имену́емою , чрез роди́тельницу благослови́, да бу́дет ико́на сия покрóв и защи́щение ему́ и все́му новоизбра́нному ца́рскому ро́ду и во утвержде́ние держа́вы Росси́йския . Сего́ ра́ди благода́рне вопие́м Бо́гу: Аллилу́ия .

## **И́кос 2**

Разуме́ша лю́дие Росси́йстии , я́ко избра́нием на ца́рство но́ваго ро́да благочесті́ваго, утиши́ Госпо́дь нестро́ения и сму́ты в Землі́ на́шей , принесо́ша обе́т ве́рнаго служе́ния ро́ду сему́ . Мы же, любви́ и ре́вности тех подража́юще , к вам, ца́рственнии страстоте́рпцы , я́ко насле́дником сего́ избра́ния со умиле́нием вопие́м:

Ра́дуйтеся, венѣц и похвало́ рода́ ца́рскаго и свяще́ннаго;

ра́дуйтеся, ко́рене благочесті́ваго пресла́вныя о́трасли.

Ра́дуйтеся, Патриарха́ Росси́йскаго Филаре́та свято́е прозябе́ние;

ра́дуйтеся, попече́нию его́ о Це́ркви и оте́честве подража́вшии.

Ра́дуйтеся, вели́кия ста́рицы ино́кини Ма́рфы благослове́нное насле́дие;

ра́дуйтеся, покора́ность во́ли Бо́жией от нея́ восприи́мшии.

Ра́дуйтеся, пред ико́ною Бо́жия Ма́тере Фе́одоровскія моли́твы прісно возно́сившии;

ра́дуйтеся, все упова́ние на по́мощь Богоро́дицы с ве́рою возлага́вшии.

Ра́дуйтеся, ца́рственнии страстоте́рпцы, земли́ Росси́йскаго храні́телие и моли́твенницы.

### **Конда́к 3**

Сила́ Бо́жия и промы́сление́ Всевы́шняго яви́ся в рождѣ́нии твоѣ́м , ца́рственный страстоте́рпче Нико́лае , вели́каго бо святі́теля і́мя восприе́м, заступ́ник Росси́йскаго Зе́мли показале́ся еси́ . Мно́гия же ско́рби и боле́зни, подоб́не Йо́ву пра́ведному, в житі́и претерпе́в, ны́не с ли́ки страстоте́рпц ев наслажда́ешися ра́йскаго блаже́нства , воспева́я Бо́гу: Аллилу́ия.

### **И́кос 3**

Име́я сугубы́я заступ́ники и покрові́тели в рождѣ́нии твоѣ́м Йо́ва многострада́льнаго и Никола́я чудотво́рца , держа́вный страстоте́рпче , добродете́лем тех послѣ́довал еси́ ; Мы же, дивя́щеся промы́слению Творца́, во святы́х сих о́бразе́х благоче́стия указа́вшаго ти , благоговѣ́йне воспева́ем си́це:

Ра́дуйся, в моли́твах святі́теля Мир Ли́кійских прісно призыва́яй ;

ра́дуйся, по́мощию тогó Росси́йскую Держáву пра́ведно окормля́й.

Ра́дуйся, о́бразом крóтости томú уподо́бивыйся;

ра́дуйся, милосе́рдие мно́гое, я́коже о́ный, яви́вый.

Ра́дуйся, терпе́ние Йо́вле в се́рдце твоём имéвый.

ра́дуйся, ве́рность Бо́гу в жити́и твоём до конца́ сохрани́вый.

Ра́дуйся, в тяжких беда́х, я́коже о́ный, благодарéние Бо́гу приноси́вый;

ра́дуйся, вся находя́щая на тя со смире́нием приéмый.

Ра́дуйтесь, ца́рственнии страстоте́рпцы, земли́ Росси́йския храните́лие и мо́литвенницы.

#### **Конда́к 4**

Бу́рю смущéния, воздвиза́емую от челове́к безбо́жных в стране́ на́шей, ви́дя, страстоте́рпче Нико́лае, не смути́лся еси́ в се́рдце твоём и , все упова́ние на Бо́га возложив , не возропта́л еси́, егда́ отверго́ша тя лю́ди твоя́; о́баче с ве́рою воспéл еси́ Бо́гу: Аллилу́ия.

#### **И́кос 4**

Слы́ша о мятéжах , болéзнях и меж доусóбных бра́нях, нашéдших на зéмлю Ру́сскую, во у́зах сый, страстоте́рпче царю́ Нико́лае, мо́ление о лю́дех ея́ непреста́нно приноси́л еси́, милосе́рдие Бо́жие к ним призыва́я. Сего́ ра́ди мы воспева́ем тебе́ та́ко:

Ра́дуйся, от ю́ности отéчество и наро́д твой возлюб́ивый;

ра́дуйся, я́ко и во отверже́нии любóвь сию́ сохрани́вый.

Ра́дуйся, пома́зание на ца́рство с благоговéнием приéмый;

ра́дуйся, о́браз благочестíваго царя́ ми́ру яви́вый.

Ра́дуйся, ца́рский вене́ц со смире́нием на ся возложи́вый;

ра́дуйся, венца́ страда́ний от Го́спода удосто́енный.

Ра́дуйся, ца́рское служе́ние, я́ко послуша́ние Бо́гу, разуме́вый;

ра́дуйся, поноше́ния, я́ко крест, взе́мый и с терпе́нием понесы́й.

Ра́дуйтесь, ца́рственнии страстоте́рпцы, земли́ Росси́йския храните́ли е и моли́твенницы.

### **Конда́к 5**

Богосве́тлый свети́льник во мра́це скорбе́й благове́рней супру́жнице тво́ей яви́лся еси́ , ца́рственный страстоте́рпче Нико́лае , ука́зуй и возглавля́я путь ея́ , я́коже повеле́ Госпо́дь . Мы же , прославля́юще ваш благослове́нный союз во Христе́ , хвалу́ Бо́гу возда́ем, пою́ще: Аллилу́ия.

### **И́кос 5**

Ви́дя ца́рственный страстоте́рпец ю́ницу Алекса́ндру , я́ко голу́бицу чи́сту, избра́ ю себе́ в благове́рную супру́жницу , Правосла́вную цари́цу и ма́терь наро́да Росси́йскаго . Мы же , ве́дуще усер́дное служе́ние ея́ , воспева́ем си́це:

Ра́дуйся, имени́таго ро́да благочести́вое прозябе́ние;

ра́дуйся, от лю́терския ве́ры к Правосла́вию о́бразе спаси́тельного прехожде́ния.

Ра́дуйся, всем се́рдцем моли́тву возлюбив́шая;

ра́дуйся, о слúжбе Бо́жией се́рдечно ревновáвшая.

Ра́дуйся, сло́вом Бо́жиим и писа́нием святы́х оте́ц себе́ назда́вшая;

ра́дуйся, уста́вы церко́вныя благоговейно́ соблюда́вшая.



Ра́дуйся, ру́сское благоче́стие досто́йне восприе́мшая ;

ра́дуйся, и́стинныя жи́зни во Христе́ приобщив́шаяся.

Ра́дуйтесь, ца́рственнии страстоте́рпцы , земли́ Росси́йския храните́лие и моли́твенницы.

### **Конда́к 6**

Пропо́ведует жити́е ва́ше бра́ка свята́го чистоту́ , благове́рнии Нико́лае и Алекса́ндро. Вы бо , благода́ть сего́ вели́каго та́инства досто́йн о восприе́мше, да́же до му́ченическа́я кончи́ны ве́рность Христу́ и любо́вь друг ко дру́гу сохрани́ли есте́, при́сно воспева́юще Бо́гу: Аллилу́ия.

### **И́кос 6**

Воссия́ в стране́ Росси́йстей , я́ко прекра́сная свети́ла , благове́рная ца́рственная́ чета́ Никола́й и А лекса́ндра, супру́зи, сою́зом любве́ Христо́вы связу́емии. Мы же, прославля́юще о́браз их целому́дреннаго и добронра́внаго жити́я в ми́ре сем, со благоговéнием воспева́ем си́це :

Ра́дуйтесь, всем се́рдцем Бо́га взыска́вшии ;

ра́дуйтесь, в путéх Господних непоро́чно ходив́шии.

Ра́дуйтесь, дво́ице честна́я, свы́ше избра́нная ;

ра́дуйтесь, дво́ице свята́я, сла́вою и че́стию от Бо́га венча́нная.

Ра́дуйтесь, целому́дрие супру́жеское многоча́дием просла́вившии ;

ра́дуйтесь, ча́да ва́ша , я́ко новосаждéния ма́слична́я, о́крест трапéзы Небесны́я собрав́шии.

Ра́дуйтесь, супру́ги во благоче́стии и любви́ жи́ти науча́ющии ;

ра́дуйтесь, мир Христо́в о́ным ми́лостивно низпосы́лающии .



Ра́дуйтеся, ца́рственнии страстоте́рпцы, земли́ Росси́йскаго храните́лие и моли́твенницы.

### **Конда́к 7**

Хотя́ще ваш до́м благоче́стно устро́ити, лю́бовь, я́ко основа́ние, положи́ли есте́ и бра́к че́стен до́бре соблю́ли есте́, благове́рнии супру́зи Нико́лае и Алекса́ндро. Те́мже, и дще́ри ва́ша, я́ко му́дрья ева́нгельския де́вы, воспита́вше, в не́весты Христу́ угото́вали есте́. С ни́миже ны́не вку́пе воспева́ете Бо́гу: Аллилу́ия.

### **И́кос 7**

Но́вую ми́лость дарова́ Госпо́дь наро́ду ру́сскому, целому́дренныя дще́ри ца́рственныя четьи́ О́льгу, Тати́ану, Марию́ и Анастаси́ю. Ты́я бо, жена́м мирно́сицам подража́ющыя, е́леем ми́лосе́рдия боля́щим и стра́ждущим послужи́ша и, сме́рть за Христа́ прие́мшя, ны́не Престо́лу Бо́жию предста́ют. Сего́ ра́ди прославля́ем их си́це:

Ра́дуйтеся, дще́ри ца́ревы, обетова́ний Бо́жих сподо́бльшыся;

ра́дуйтеся, за́поведь Бо́жию о почита́нии роди́телей соблю́дшыя.

Ра́дуйтеся, досто́инство ца́рственное свя́то сохра́ншыя;

ра́дуйтеся, стихия́ми ми́ра сего́ не порабо́щенныя.

Ра́дуйтеся, лю́дем, су́щым в беда́х и ско́рбех, я́ко Христу́, послужи́вшыя;

ра́дуйтеся, за враго́в свои́х усе́рдно моли́вшыся.

Ра́дуйтеся, а́гницы непоро́чныя, в же́ртву Бо́гу се́бе прине́сшыя;

ра́дуйтеся, не́весты Христо́вы, в черто́зех Жени́ха Небе́снаго пребыва́ющыя.

Ра́дуйтеся, ца́рственнии страстоте́рпцы, земли́ Росси́йскаго храните́лие и моли́твенницы.

### **Конда́к 8**

Стра́нно и чу́дно бысть рождéние твоё , святы́й царéвичу Алексíе . Плод бо благосла́вен моли́тв Саро́вскаго чудотво́рца и чае́мый насле́дник ца́рственных роди́телей быв , сла́ва, наде́жда и упова́ние яви́лся еси́ всем конце́м Зе́мли на́шея . Сего́ ра́ди лю́дие Росси́йстии с ра́достью благода́рственно воспéша Бо́гу:Аллилу́ия.

### **И́кос 8**

К вы́шним душе́ю чи́стою устремля́ясь , святы́й царéвичу Алексíе , измла́да боле́знь, я́ко крест от Го́спода да́нный , безро́отно понёсл еси́ , последí же , я́ко а́гне ц незло́бивый , рука́ми злочестíвых убиён , моли́твенник пред Бо́гом яви́лся еси́. Сего́ ра́ди воспева́ем ти си́це:

Ра́дуйся, отроча́, от утробы́ ма́тере Бо́гом предызбра́нное;

ра́дуйся, ча́до, моли́твами Саро́вскаго чудотво́рца Росси́и дарова́нное .

Ра́дуйся, страда́льче, измла́да ско́рби и недуги́ безро́отно понесы́й;

ра́дуйся, царéвичу, в боле́знях сострада́ние к лю́дем обреты́й.

Ра́дуйся, насле́днице, лишéние ца́рства земна́го со смире́нием приéмый;

ра́дуйся, страстоте́рпче, Ца́рствия Небе́снаго от Бо́га удосто́енный.

Ра́дуйся, а́гнче незло́биве, от безбо́жных заклáнный;

ра́дуйся, ца́рственный о́троче , венце́м нетле́нным от Ца́ря ца́рствующих увенча́нный.

Ра́дуйтеся, ца́рственнии страстоте́рпцы , земли́ Росси́йския хранíteлие и моли́твенницы .

### **Конда́к 9**

Всяк ум челове́ческий смутíся , егда́ в земли́ на́шей беззакóние умно́жится, исти́на помрачíся и ме́рзость запу́стения на ме́сте святе́м ста . Ты же , царю́ Нико́лае , изгна́ние, поругáние и темни́чное заточе́ние

му́жественне претерпéв , сын вéрный Свят ы́я Цéркве и страсотéрпец Христóв явилéся еси́ . Сего́ ра́ди Цéрковь Ру́сская , прославляющи́я тя , Бо́гу вопиéт: Аллилу́ия.

### **И́кос 9**

Ветии́ зломúдреннии тща́шася оболга́ти тя клевето́ю , пома́занниче Бо́жий Нико́лае , ты же , ева́нгельски́ вся терпя́ , о благочéстии наро́да Правосла́внаго попечéние сугубо́е прилагáл еси́ . Сего́ ра́ди, па́мь твою́ свéтло пра́зднующе, воспева́ем ти сице:

Ра́дуйся, прославлéния уго́дников Бо́жиих до́брый рачи́телю;

ра́дуйся, па́стыря Кроншта́дтскаго благоговéйный почитáтелю.

Ра́дуйся, Саро́вских торжéств державный возглавителью;

ра́дуйся, ино́ческих оби́телей благочестивый покрови́телю .

Ра́дуйся, духо́вных вертогра́дов усéрдный попечи́телю;

ра́дуйся, Правосла́вных хра́мов боголюбивый зда́телю .

Ра́дуйся, Святы́я Земли́ и Афóнския Горы́ ще́дрый благодвори́телю;

ра́дуйся, устроéния Цéркве Ру́сския му́дрый ревни́телю .

Ра́дуйтесь, ца́рственнии страсотéрпцы , земли́ Росси́йскаго храни́телие и моли́твенницы .

### **Конда́к 10**

Спасти́ хотя́ люди́ Росси́йскаго от рóзны бра́тоубийственныя , царю́ Нико́лае, престо́л земный оста́вил еси́ , обáче, на мило́сть Бо́жию упова́я , непоколебим в вéре и благочéстии пребы́л еси́ , воспева́я: Аллилу́ия.

### **И́кос 10**

Стенá и ограждéние бысть Господь тебе́ , царю́ Николае , Ему́ же тёпле молился еси́ , да сохранит держа́ву Росси́йскую от нашествия иноплеме́нник и братоубийственныя бра́ни , наипа́че же лю́ди Правосла́вныя во благоче́стии да укрепит . Сего́ ра́ди благодарне воспева́ем ти си́це:

Ра́дуйся, полко́в Росси́йских му́дрый предво́дителю;

ра́дуйся, ра́тных люде́й христолюбивый попечителю .

Ра́дуйся, оте́чества на́шего держа́вный хранителю ;

ра́дуйся, словéнских наро́дов ре́вностный за́щитителю .

Ра́дуйся, мечи́ на ора́ла прекова́ти наро́ды призва́вый ;

ра́дуйся, мир имéти со все́ми язы́ки преискренне жела́вый .

Ра́дуйся, благове́рным князе́м в благоче́стии подража́вый ;

ра́дуйся, о́браз царя́ Правосла́внаго во смире́нии ми́ру явивый .

Ра́дуйтесь, ца́рственнии страстоте́рпцы , земли́ Росси́йския хранителие и молитвенницы .

### **Конда́к 11**

Пéния вся́кого досто́йна па́мять ва́ша , святии ца́рственнии страстоте́рпцы . Вы бо , о́браз испове́дничества и ре́вности по Бо́зе ве́рным люде́м показавше , запове́дасте не мсти́ти злоде́ющим , па́че же проща́ти гоня́щим и моли́тву твори́ти за них , пою́ще Бо́гу: Аллилу́ия .

### **И́кос 11**

Светоно́сный свети́льник седмочи́сленный ве́мы вас , святии ца́рственнии страстоте́рпцы , ца́рским бо путе́м шеству́юще , угото́васте себе́ за Христа́ пострада́ти . Те́мже , просветите омраче́нная сердца́ на́ша и ева́нгельским путе́м шествовати научите нас , прославля́ющих вас си́це :

Ра́дуйтеся, а́гнцы незло́бивии, А́гнцу Бо́жию в кро́тости подража́вшии;  
ра́дуйтеся, о́браз терпе́ния в злострада́ниях ве́рным показавшии.

Ра́дуйтеся, во всем жити́и со́весть чи́сту храни́вшии;

ра́дуйтеся, уби́ение беззако́нное смире́нно восприе́мшии.

Ра́дуйтеся, седмочи́сленнии страстоте́рпцы , во еди́ном ду́се Бо́гу представшии;

ра́дуйтеся, кро́вию му́ченическою зе́млю на́шу обагри́вшии.

Ра́дуйтеся, лик благове́рных царей и князей воспóлнившии;

ра́дуйтеся, собо́р святы́х земли́ Росси́йския украси́вшии.

Ра́дуйтеся, ца́рственнии страстоте́рпцы , земли́ Росси́йския храни́телие и молитвенницы.

### **Конда́к 12**

Благода́ть изрядну Бог дарова́ Цёркви Росси́йстей , просла́вив вас на Небеси́, ца́рственнии страстоте́рпцы , храни́телие и покрови́телие страны́ на́шей. Сего́ ра́ди и мы на земли́ почита́ем вас, Бо́гу вопию́ще: Аллилу́ия.

### **И́кос 12**

Воспева́юще по́двиги ва́ша , ца́рственнии страстоте́рпцы , прославля́ем Триеди́наго Бо́га . Вы бо соизво́лением Отца́ Безнача́льнаго, соверше́нием Сы́на Единоро́днаго и соде́йствием Свята́го Ду́ха Бо́жия прича́стницы Ца́рствия Небеснаго содела́стесе и заступницы оте́чества на́шего яви́стесе. Сего́ ра́ди дерза́ем взыва́ти вам си́це:

Ра́дуйтеся, я́ко прославлéнию ва́шему Цёрковь ра́дуется;

ра́дуйтеся, я́ко чудесы́ ва́шими ве́ра укрепля́ется.

Ра́дуйтеся, я́ко о́бразы ва́ши мирото́чением просла́вляю́тся;

ра́дуйтеся, я́ко в че́сть ва́шу хра́мы созида́ются.

Ра́дуйтеся, я́ко жити́ем ва́шим лю́ди благоче́стию науча́ются.

ра́дуйтеся, я́ко терпе́нием ва́шим во страда́ниях ве́рнии назида́ются;

Ра́дуйтеся, я́ко ева́нгельския заветы́ исполня́ти нас наставля́ете;

ра́дуйтеся, я́ко бе́ды и ско́рби му́жественне нести́ нам помога́ете.

Ра́дуйтеся, ца́рственнии страстоте́рпцы, земли́ Росси́йския х рани́телие и моли́твенницы.

### **Конда́к 13**

О, свя́тии ца́рственнии страстоте́рпцы ! Приими́те от нас похва́льное сие́ пе́ние и ми́лостивым ва́шим ходата́йством умо́лите Царя́ Сла́вы мир стране́ нашей дарова́ти , Це́рковь в Правосла́вии и еди́нстве сохра́нити , нас же во благоче́стии утверди́ти, да вопие́м Бо́гу: Аллилу́ия.

*Сей конда́к глаго́лется три́жды.*

*И па́ки чтётся 1-й и́кос и 1-й конда́к.*

### **Моли́тва**

О, свя́тая седе́мерице, ца́рственнии страстоте́рпцы, Нико́лае, Алекса́ндро, Алексе́е, Мари́е, Ольго, Тати́ано и Анастаси́е!

Вы, сою́зом любве́ Христо́вы связу́еми , дом ваш , я́ко ма́лую Це́рковь , благоче́стно устро́или есте́ и смире́нием себе́ посреде́ земна́го вели́чия украси́ли есте́ . В го́дину же братоуби́йственныя брани́ и гоне́ний безбо́жных во оте́честве на́шем, все упова́ние на Бо́га возложивше́ , о́браз терпе́ния и страда́ния все́й земли́ Росси́йстей яви́ли есте́ и , моля́щися о мучи́телех, клевету́, узы́ и изгна́ние , глумле́ние, насмея́ние и оболга́ние , уби́ение и теле́с поруга́ние му́жественне претерпе́ли есте́. Сего́ ра́ди от земна́го ца́рствия к Небе́сному прешли́ есте́ и те́плии ходата́и о нас яви́лися есте́.

О, святѣи угодницы Божии ! Молѣтесе о нас Богу , да Церковь в единомыслии и твердей вере соблюдет , страну нашу миром и благоденствием оградит и от междоусобных брани и разделенія избавит , власть предержащую умудрит , воинство мужеством украсит , супруги в верности и любви укрепит , чада в благочестии и послушании возрастит , и вся ны купно с вами сподобит воспевати Пречестное и Великолепое имя Живоначальных Троицы Отца и Сына и Святаго Духа , ныне и присно, и во веки веков. Аминь.

### **Ина молитва, страстотерпцу царю Николаю**

О, святѣи страстотерпче , царю мучениче Николае ! Господь ты избра помазанника Своего, во еже милостивно и право судити людем твоим и хранителем Церкви Православных быти . Сего ради со страхом Божиим царское служение и о душах попечение совершал еси . Господь же , испытуюя тя , яко Иова Многострадальнаго ,пусти тебе поношения , скорби горькия , измену, предательство, ближних отчуждение и в душевных муках земнаго царства оставление . Вся сия ради блага Россіи, яко верный сын ея , претерпев, и , яко истинный раб Христов , мученическую кончину прием, Небеснаго Царства достигл еси , идеже наслаждаешися Вышняя славы у Престола всех Царя , купно со святою супружницею твоєю царицею Александрою и царственными чады Алексием, Ольгою, Татианою, Маріею и Анастасіею . Ныне, имея дерзновение велие у Христа Царя , моли, да подаст нам Господь грехов прощение и на всякую добродетель наставит нас , да стяжим смирение , кротость и любовь , и сподобимся Небеснаго Царствия , идеже купно с тобою и всеми святѣи новомученики и исповедники Россійскими прославим Отца и Сына и Святаго Духа , ныне и присно, и во веки веков. Аминь.





